


I 772







6

DE METHODO  
QUAMDAM PARTUS PRÆTERNATURALIS  
SPECIEM, IN NATURALEM CONVERTENDI,  
FORCIPIS OPE.  
THESES  
ANATOMICÆ ET CHIRURGICÆ.

*Quas, DEO JUVANTE, & Præside M. GUIDONE-  
FELICE ALLAN, Artium Facultatis & Chirurgiæ  
Magistro, tueri conabitur, JOANNES-BAPTISTA  
DUFOUR, Sueffionensis, Artium Liberalium Magister,  
necnon in Regiæ Familiæ præpositurâ Chirurgus ordinarius.*

P A R I S I I S,  
IN REGIIS CHIRURGORUM SCHOLIS,

*Die Sabbatis, 11<sup>a</sup>. Aprilis, à sesqui-Secundâ post meridiem ad septimam  
A. R. S. H. 1772.*

PRO ACTU PUBLICO  
ET  
SOLEMNI COOPTATIONE.



Typis P. AL. LE PRIEUR, Regii Chirurg. Collegii  
Typographi.

---


M. DCC. LXXII.



FOR CIPIS OPE

212174





*D. O. M.*  
**DE METHODO**  
QUAMDAM PARTUS PRÆTERNATURALIS  
SPECIEM, IN NATURALEM CONVERTENDI,  
**FORCIPIS OPE.**  
**THESES**  
**ANATOMICO-CHIRURGICÆ.**

I.

**P**ARIRE, naturale est opus. Ast eheu! quot tardatur obicibus! Quoties operosum! Quoties imò, ni subveniat ars auxiliatrix, profus non absolvendum! Quem maternæ vires absque subsidio peragunt partum, naturalem dicimus: adde,

A



quem nihil mali ominis nec antecedit, nec comitatur. Harum conditionum una si defuerit, præternaturalis audit. Remotas inter causas quibus corrumpitur partus, non infimum tenet locum perversa ossium pelvis harmonia. Pro diverso depravationis gradu, diversus sequitur eventus. Si levis, agrè, attamen sola victrix erit natura; si gravis, artis indiget auxilio; si denique intensiva, tunc naturalis occluditur via, novumque infantulo parandum iter ut in lucem edatur. Rara est summa hæc perversio, media frequentior: sæpe enim adeò incarceratur infantis caput, inter ossa pelvis adactum, ut nihil omninò proficiant validissima enixuræ molimina. Qua ratione sic defigatur patebit, cum brevis præcesserit pelvis descriptio.

## I I.

QUÆ columnæ spinalis est fulcrum, truncumque infernè limitat, ossea compages, pelvis dicitur. Tribus constat ossibus, per synchondrosin adunatis, innominatis utrinque, & posticè sacro, cui appendit os coccygis. Ossa illa minutatim describeremus incassum, horum figura neminem latet; de pelvi tantum collectivè sumptâ res erit. Duplex est, superna nempe & infima, seu major & minor. Quâ sede prominet prima ossis sacri vertebra, prostat linea ilei partem imam trajiciens, seque offert pars ea pubis quæ *crista* dicitur, hîc est pelvis superioris meta, & inferioris exorsus; hîc, quod vocant *pelvis ingressum*, *aperturam superiorem*, *fretum superius*. Huic subrita pelvis cavea, antè ab ossium pubis symphyssi, ab ischio utroque lateraliter, & posticè ab osse sacro occluditur. Pubis lacerti, ischiorum tubera, & coccyx, pelvis finem constituunt, ejusque coarctant exitum, qui *apertura inferior*, *fretum inferius* audit. Solam pelvis aperturam superiorem ossibus omninò circumscribi cuilibet inspicienti patet; non perindè tota ossea est neque cavea, neque aperturæ inferioris peripheria; distat enim à sacro utrumque os coccendicis, sicque duplex adest spatium, quod obserant utrinque ligamenta duo, *sacro-ischia-dica* dicta.

## I I I.

DU M. genuina est pelvis fœminæ formatura, spatium



3  
 quasi ellipticum refert hujus apertura superior. Duas ergo distinguēs in eā diametros inæquales : major à dextrâ ad sinistram, & pollicum  $5\frac{1}{4}$ . Altera quæ minor à parte anticâ ad posticam, pollicum  $4\frac{1}{4}$  circumcîrca. Ratione partûs, ut monet Cel. M. LEVRET, tertiam possis addere diametrum, quæ scilicet à symphyssi *sacro-iliacâ* ad ischium diagonice protenditur (a). Aperturâ utrâque amplior est pelvis cavea, siquidem internè excavatur os sacrum, extrorsumque fugiunt, & pars ima ilei, & os ischium, & pubis symphysis. Quoad infimam pelvis aperturam, in eâ iterum duæ distinguuntur diametri, sed ferè æquales, &  $4\frac{1}{4}$  tantum pollicum. At, inquires, nascituri caput à coronali ad occipitale quinque pollices longum, tam arctam non poterit agere viam. Estò, sed benè provida mobilem fecit coccygem natura; dumque infantem detrudunt uteri contractiones, os illud mobile urgenti obsequiosè cedens capiti, retro-agitur, indè toto pollice latior fit via. Hinc videre est quare quadragenariæ, paulò infra aut ultra, primâ vice gravidæ, agrè pariant; tunc enim partim unâ conferbuere quibus constat coccyx ossicula, minutaque est ipsius tam opportuna mobilitas.

#### I V.

Modo exposita ossium pelvis symmetria est adamussim, & frequentior est genuina hæc dispositio; nonnunquam autem invertitur ordo. Vel enim omnis omnino peccat pelvis, ita ut perversæ & superna & inferior, informem admodum exhibeant compagem: quod frequentius in puellis quæ primis vitæ annis, rachitico gravatæ sunt morbo; vel pervertitur tantum aut superior aut infima pelvis; vel denique seu in unâ, seu in alterâ, unum ex ossibus, vel duo paria deviantur. Aliundè in infimâ pelvi, vel legitima non est ingressus dimensio, vel depravatur cavea, vel demum apertura inferioris æquæ non sunt diametri. Actum ageremus, si unamquamque perversionis speciem recensere, & de causis dicere, ferret animus; de solâ methodo partum absolvendi, quo in casu deformatur apertura inferior, acturi; hujusce apertura vitia, quatenus ad propositum nostrum spectant, tantum-modò indigitabimus.

(a) Vid. l'Art des Accouchemens, pag. 6, §. 31.



Ut singulatim & pelvis ingressus & ejus cavea deturpantur, sic & sola potest vitari apertura inferior; quin etiam, sola sæpiùs læditur. Etsi procero corpore gaudeat puella, etsi exterius nil deforme appareat, non raro accidit ut præter-naturam angustetur pelvis exitus. Multifariam sic potest angustari; namque si productior sit, intròque vergat pubis symphysis, & aliundè apex ossis sacri intus quoque nimium promineat, sient nascituri capiti repagula, quæ nullus naturæ nifus perfringere valebit. Ità stabit hærens caput infantis, si non æqua sit inter pubis lacertos distantia, proindèque angustior sit ejus arcus; idem eveniet si legitimum non adsit inter ischiorum tubera spatium; si deniquè unà coaluère nonnullæ coccygis partes, ut in vetulis. Insuper, quamquam ratione habitûs debita adsit ossium pelvis proportio, si sit exili staturâ prægnans, & crassius infantis caput, mole suâ, pelvis capacitatem superet, nullo unquam conatu illud evincet natura.

## V I.

Non primo intuitu dignoscuntur varia hæc freti inferioris vitia, sed inter pariendum obstetricanti se produnt. Graviditatis spatium percurrit, metamque tangit primâ vice prægnans; tunc leves pungunt partûs imminenti nunciî dolores; recrudescent citò; fiunt acerrimi, & frequentiores, & diutini; uno verbo fervere incipit æstus parturiginis. Nervos adhibet mulier; repetitoque nifu, jam rupta est amnios, jam profluxerunt aquæ, jam inferiorem pelvis oram attingit infantis vertex. Animos oblectat blanda spes; in sinu gaudent astantes; moxque futuram se matrem lætatur parturiens. Solus filet anceps obstetricans; adversam præfagit fortunam, saltem metuit, & non immeritò. Qui felicioribus inchoabatur labor auspiciis, statim subsidet; nulli omninò, vel pauci ac breves, attamen acuti, adsunt dolores, quos gallicè dicunt *douleurs coupées*. Digito scrutanti, jam non occurrit, ut antea nudus vertex, sed conicus tumor subnatus; arescunt vaginæ parietes, antea lentore madefacti; immotum hæret caput infantis; sit denique capitis



incuneatio, *paragomphosis*, *enclavement*. Quæ si perdurent, & non in promptu sit Chirurgia adiutrix, pejora urgent symptomata; nulla sit stercorum dejectio, cessat lotii effluxus, tumor accrescit, antea renitens fit mollis, sitim patitur anhela parturiens, languescit, prosternuntur vires, miseram imò cita mors minatur, vel si supervixerit, dira malorum cohors impendet, moræ sequela; & de puero decantatum est.

## V I I.

T A M sinistra cladis sæpè testes extitisse antiquos conjicere est. Nonnulli enim inter eos varia excogitarunt seu media, seu instrumenta, quorum ope, neglecto infante, matrem liberare tentabant. Sinceræ autem causæ inscii, ne ossa quidem suspicabantur proprium esse impedimentum: uteri orificium, aliasque carneas partes incusabant. Paulò ultra progressi sunt prioris ævi obstetricantes, hos quidem causa non latuit, sed latebat modus stragis avertendæ; quot capita tot sensus erant. Hi nihil omnino audebant anxii, & ne infanticidæ haberentur & matrem & prolem trucidabant inertes. Audacior PÉU in vivum adhuc infantem, hujus vitam nihil pensi habens, uncum injiciebat; sicque occiso infante, plures se servasse matres jactitat (a), cunctantesque alios objurgat. Isti pueri mortem expectabant otiosi; dein statim atque hunc mortuum dijudicabant; alii plerique cranium, scalpelli vel forcicis ope, perfodiebant, ut eliminato cerebro gracilius fieret caput; alii fœtum dilaniabant; alii in cranium uncum infigebant; repetitisque conatibus, non sine matris periculo, infantem excutiebant. Hæc media respuens MAURICEAU capiti-traham invenit; alii perforatoria, terebras occultas alii in medium attulere &c. Sed omnia hæc artis subsidia nihil frugis dabant infantulo, quin, horum usu periculo non vacabat mater. Obsolevere ergò, nuncque exulant; hodierna feliciorque Chirurgia & matri & proli certam præbere valet operam. Tantus honos nostro servabatur ævo.

(a) Vid. Pratique des Accouchemens, pag. 298, 347, 349, 253, &c. &c.



## VIII.

NOCIVIS veterum instrumentis beneficam suffecerunt Forcipem nuperi. *Palfinianam* dixerunt ab auctore quem credebant PALFIN; inventus autem gloriam sibi alii vindicarunt nonnulli. Quidquid id est, hanc litem componere nostrum non est. Primâ ætate suâ informis erat Forceps, & in eâ multa desiderabantur, undè plurimis vicibus, de variorum genio, variè fuit recusa. Jam nunc plurimæ etiam sunt Forcipis species, sed præ aliis commendatiorem *Levretianam* asserimus. Quam addidit Cel. M. LEVRET curvaturam, majoris existimamus momenti; plura inter comoda quæ ministrat hæc curvatura, hujus ope fit Forceps pelvis figuræ accommodatior; dum prehensum tenet infantuli caput, plus hujus-ce partis spatii occupatur, quò firmior fit prehensio; frenulo demùm magis indulget. Aliundè, lacertorum junctura, stabilior est & facilior.

## IX.

HÆC juvante Forcipe, tutus ibis. Sæpè sæpius illæsa matre, in lucem edetur proles incolumis. Et ecce methodus incuneatum caput arripiendi, captumque opus auspiciatè persequendi. Utrumque Forcipis cochleare, ante hæc illinitum & calefactum, manu præviâ duce, seorsim immittat Chirurgus, ita ut ad pudendi ostium accedat pars manubrii superior. Unâ dein jungantur lacerti; fit hæc junctura ope axis, qui in uno è brachiis prominet, & in alterius foramen infigitur. At arduum quandòque opus; nonnunquam enim inter inducendum alterum brachium, prior immissa pars avertitur, sicque sensu opponuntur & axis & foramen; vel aliâ de causâ quâcumque, multum à se discedunt. Compositis motibus ad opportunum sunt reducendi statum lacerti, ita ut, adversis foramine & axi, facilior fiat adaptatio; quod, si solers sis & industrius, obtinebis faciliùs difficiliùs - ve. In partem imam manubrii fasciâ injectâ, vel mantili contorto stabilitur junctio. His ita positis, utràque manu Forcipis manubrium apprehendat obstetricans, motuque rotato moderatè caput adducat, sic iteratis tractibus amovebitur, & solvetur incuneatio, To-



tum si velis infantuli caput extrâ vulvam tractum subducere: sic commendant auctores, receptaque est praxis. At plerumque noxius, & ad minimum semper inanis labor, saltêm si nullum symptoma urgens & minax, moram prohibeat.

## X.

ORE jam laudatæ ingeniosi M. LEVRET curvaturæ, si compositè caput extrahas, minùs imminet periculi ne rumpatur frenulùm vulvæ. Verùm calamitosi casûs omninò non est immunis operatio; quod facile est intellectu. Dum inter ossa pelvis coactum detinetur caput, nullam omnino subeunt distentionem partes sublitæ; statim atque verò amotum est à Forcipe, in vaginam ingressum, mole suâ, ejus parietes summè distendit. Rugosus equidem ille ductus haud ægrè dilatatur; sed tantâ non gaudet virtute cutis. Si præceps sit, & extrâ modum fiat, ut necesse est, illius distentio, sic distracta vi extrahenti cederet & rumpetur, si rigidioris sit textûs, ut evenire solet præsertim in vetulis, & evenit quoque non rarò in juvenibus, quibusdam de causis quas recensere esset inutile. Si negaveris, vel improbè, vel insciè; constat enim experienciâ, multoties rupta fuisse, vi Forcipis, aut pudendi labra, aut vulvæ frenum, imò & perinæum; etsi obstetricantes non infirmi essent subfellii, etsi è contra in usu Forcipis versatissimi. Præterea licet tenuia sint Forcipis cochlearia, unâ certè lineâ utrumque crassius est. Credes-ne duplicis lineæ additamentum minimi esse momenti? Quot, in mechanice, ruerent machinæ, si portio quælibet duabus augetur lineis? Arctam & arctissimam soli capiti viam offert vulva; quid si duæ ejus crassitie addantur lineæ? Si exeunte solo capite rupturæ semper immunis non est, à fortiori sic auctâ mole.

## XI.

SI verò jam solutum caput expulsuræ committas naturæ, pederentim & leniter decidens, leniter quoque dilatationem peraget, & juvantibus unctione aliisque mediis, absque læsione ullâ poterit totum expelli. Aliundè ut monet Cel. M. PIET, hujus-ce correctionis auctor, & in usu For-



cipis obstetricans exercitatissimus (a), licet minor sit obstetricantis agendi modus, nunquam modi naturæ æmulus est; compositissimi tractûs gradata minus erit actio, præceps magis, imò abrupta; undè acutiores parturienti orientur dolores. E contra si, incuneatione capitis expeditâ, partus soli naturæ blandæ magis & amicæ committitur, tunc ad partum naturalem revocatur; reipsâ, abstractis præmissis, fit naturalis partus. Insuper, ut iterum monet Cel. M. PIET (b), siquidem prudentior solertia à funesto rupturæ casu non tuetur, & versatissimos; quid eveniet, si sit minus exercitatus obstetricans, si sit in Forcipis usu novus? Incuneatum caput expedire munus est Chirurgi, id unum illi curæ cordique debet esse; id unum ars imperat; cur ultra progredietur tanto in discrimine versatus.

## XII.

QUIR hæres dubius? Num times, ut fuit objectum (c), ne contrahi jam nequeat uterus, indèque, post expeditam incuneationem, expultrices desint vires? Qua de causâ, quæso, sui ipsius oblita, sibi deficeret natura? Cur proprio juri redditus, iners & in re suâ deses fieret uterus? Atopa te terrent phantasmata. Tale fatum paveas, ac reducibus ne confidas doloribus, si diuturniore duroque jam fracta fuerit labore mulier; diùque cunctata, ineptè secura obstetrix, territa tandem te, sed seriùs, accesserit. Tunc enim prosternuntur vires, & sicuti aliæ partes languescit uterus; quo in casu celerior sis, ingens in morâ periculum. Si verò cautè prudenterque te gesseris; si, te astante, incuneationis indicium dederint quædam è suprâ recensitis signa, & maturè ad opus te accinxis; integræ stant parturienti vires, totum tenet robur uterus, certissimè contrahetur, recrudescunt dolores, extremamque manum addet natura.

(a) Vid. Journal de Médecine, Février 1772, sub finem.

(b) Loco jam citat.

(c) Vid. Journal de Médecine, Décembre 1771,

## XIII.



## X I I I.

CATENIS resolutum nascituri caput diù in vaginâ immoraturum ne suspiceris ; unius sat est contractionis ut extrâ vulvæ ostium detrudatur ; & impigrè redit efficax illa contractio ; nam vix elapso minuto sexto , sæpissimè dolor unus exardet qui optatum ad finem perducit opus ; pluriès comprobavit experientia ( *a* ). Abruptum tamen ne credas hunc exitum ; inter quietem , mole capitis , sensim expanduntur vaginæ parietes , dein lentè nascitur contractio , est diuturna , gradatim accrescit ; lento igitur gradu incedit caput , paulatim quoque , dum progreditur , explicantur vaginæ ostium & pudendi labia ; sicque gradatâ hac extensione , dudum parata , transilienti capiti affatim patet via , & omni periculo vacant partes. Cæterùm quâ ratione immunes sint , quid refert dispungere ? Sunt reipsâ , repetitus docet usus ; sit ergo fiducia.

( *a* ) Mense Julio 1771 , præsentè Cl. AGŒUS præside , Forcipis ope obstetricabatur Cl. M. PIET. Solutum incuneatione caput & in vaginam adductum , exiit ; vixque in lectum reposita mulier , dolore conquæsta est , & statim vivam & vegetam exhibuit puerulam obstetricans , quod Cl. Præsidi multoties sibi sic evenisse asseruit.

Mense Octobri sequenti , alteri sic successit obstetricanti , Cl. Præsidi adhuc æstante , quamquam superna fuit facies & funiculus umbilicalis bis circâ collum contortus , infans hodiè etiam vivus est & benè sanus.

F I N I S.



C A T E R I A r e l o l o p u n a l i n i c a p u t d i o i n v a g i n e i m -  
 m o n a r u n t a t l u p u r i s ; n u n q u a m i n e c o n t r a c t i o n e a r d u a  
 v a g i n e o s i u m d e t r a h a n t ; & i n p i g r i s r e d i t e s s e i l l a c o n -  
 t r a c t i o n e n a m v i x e l a p s o m i n u t i t e m o ; l e v i s s i m e d o l o r m a n s  
 e x a r d e t p o t o p e n i t a t e m i n t e n t p e r d u c t i o n e m ; p h a n t a  
 c o m p e r i t u r i n t e r d u c t i o n e m ; A p p r e h e n s i o n e m n a m n o c r e d a s  
 l u d e e x i n a n t ; i n t e r d u c t i o n e m i n t e r d u c t i o n e m ; t e n t i o n e m e x p a n -  
 s i o n e m n a m p a n t e m ; d e i n l a n t n a l i o n e c o n t r a c t i o n e m ; e s t  
 d i n a m i a ; g r a d u a m i n t e r d u c t i o n e m ; l e v i s s i m e g r a d u i n t e r -  
 d u c t i o n e m ; p a n t e m p o t e n t ; d u n t p r o g r e s s i o n e m ; e x p l i c a n -  
 t u r v a g i n e o s i u m & p u d e n t i a l a b i s ; i n t e r d u c t i o n e m g r a d u a m h a c  
 e x t e n s i o n e m ; d u n t p a n t e m ; t r a n s i l l e n t c a p u t a s s i m i n p a n t e m  
 v i r ; & o m n i p e r i c u l o t r a n t p a n t e m ; C a t e r i a q u a r a -  
 l i o n e i m m u n t i n t e r ; e s t i n t e r d u c t i o n e m ; & d u n t p a n t e m ;  
 p a n t e m d a n t u n t i n t e r d u c t i o n e m ; & d u n t p a n t e m ;

( 1 ) M a n d e J u l i o r e p t ; p a n t e m C I A d d i t p a n t e m ; F o r t i s o p e  
 o b s e r v a t i o n e m C I M ; F i r t J o h n n e m p a n t e m ; c a p u t & i n  
 v a g i n e a d d u c t i o n e m ; c a p u t i n t e r d u c t i o n e m i n t e r ; d o l o r  
 c o n t r a c t i o n e m ; & d u n t p a n t e m ; & d u n t p a n t e m ; o b -  
 s e r v a t i o n e m ; C I F i r t i n t e r d u c t i o n e m ; d u n t p a n t e m ;  
 M a n d e J u l i o r e p t ; p a n t e m C I A d d i t p a n t e m ; F o r t i s o p e  
 o b s e r v a t i o n e m C I M ; F i r t J o h n n e m p a n t e m ; c a p u t & i n  
 v a g i n e a d d u c t i o n e m ; c a p u t i n t e r d u c t i o n e m i n t e r ; d o l o r  
 c o n t r a c t i o n e m ; & d u n t p a n t e m ; & d u n t p a n t e m ; o b -  
 s e r v a t i o n e m ; C I F i r t i n t e r d u c t i o n e m ; d u n t p a n t e m ;